

Banku Mundial Anunsia nia Representante foun iha Timor-Leste

Dili, 14 Jullu 2014—Banku Mundial hili ona Bolormaa Amgabazar hanesan Representante Banku Mundial (*Country Representative*) iha Timor-Leste. Sra. Amgabazar hahuu nia kargu formalmente iha Sekretariu Banku Mundial iha Dili, ohin loron. Nia sei troka *Country Manager* Sr. Luis Constantino, nebé mak hetan kargu foun iha Sekretariu Banku Mundial iha Nikaragua.

Bolorma Amgabazar, hanesan sidadaun Mongolia, antes sai nuudar Senior Operations officer ba Sudan Sul no Somalia, nia baze iha Sekretariu iha Nairobi, Rejiaun Afrika nian. Sra. Amgabazar komesa serbisu iha Banku Mundial iha tinan 2004 hanesan kordenador ba Trust Fund iha Sekretariu Banku Mundial iha Jakarta. Nia mos sai hanesan membru ba Task Team ba prohrama Dezenvolvimentu Komunidade Nasional iha Indonezia, koñese ho naran PNPM, no responsabiliza mos ba implementasaun programa nian iha parte leste nasaun nian. Nia espesialidade nia programa nee mak provinsia Papua no Papua Oeste. Iha tinan 2007 sra. Amgabazar simu kargu ida iha Kuartel Jeral Banku Mundial nian iha Washington DC, EUA.

Sra. Amgabazar sei hasoru Primeiru Ministru Kay rala Xanana Gusmão, hanesan vizita kortezia ofisial, no mos membru Governu sira seluk. Nia mos sei atende lansamentu hodi introdus projetu rehabilitasaun estrada husi Dili ba too Ainaro ba iha comunidade, nebe hetan ajudu finanseiru husi Banku Mundial. Iha ninia vizita ne'e, sei hetan akompañã husi Diretor Banku Mundial ba Papua Nova Guiné, Timor-Leste no Illa Pasifika, Franz Drees-Gross, no akompañã mos husi Sr. Luis Constantino.

“Husi ohin ba oin, Sra. Amgabazar mak sei lidera Banku Mundial nia serbisu iha Timor-Leste, ho objetivu hodi liga populasaun sira ba serbisu importante balun no atu garantia prosperidade ba populasaun tomak”, tenik **Franz Drees-Gross, Diretor Banku Mundial ba Papua Nova Guiné, Timor-Leste no Illa Pasifika.**

Iha nia lideransa, Banku Mundial sei kontinua suporta Governu nia esforsu sira hodi bele promove dezenvolvimentu nebé sustentavel, governansa diak no kria tan kampu serbisu

Banku Mundial fo ona suporta ba Timor-Leste desde independensia no ajuda ona Timor-Leste hodi atinji progresu nebé diak iha area oi-oin hanesan aumenta tan atendentu labarik sira iha eskola no fornese ajuda ba infra-estrutura hanesan hadian eskola no mos hospital no sentru saude sira iha comunidade nia leet.

Kontaktu:

Dili : Joao dos Santos, jdossantos@worldbank.org
Sydney : Kym Smithies; ksmithies@worldbank.org;